

ՀՀ ԱՐԱՐԱՏԻ ՄԱՐԶԻ ԱՐՏԱՇԱՏԻ ԱՎԱԶԱԿՈՊՃԱՅԻՆ ԽԱՌՆՈՒՐԴԻ  
ՀԱՆՔԱՎԱՅՐԻ 1-ԻՆ ՏԵՂԱՄԱՍԻ ՕԳՏԱԿԱՐ ՀԱՆԱԾՈՅԻ ԱՐԴՅՈՒՆԱՀԱՆՄԱՆ  
ԱՇԽԱՏԱՆՔՆԵՐԻ

ՀԱՆՐԱՅԻՆ ՔՆՆԱՐԿՈՒՄ  
(1-ԻՆ ՀԱՆՐԱՅԻՆ ՔՆՆԱՐԿՈՒՄ)  
ԱՐՁԱՆԱԳՐՈՒԹՅՈՒՆ

22.02.2024թ

Արտաշատ համայնք

Սույն թվականի փետրվարի 22-ին ժամը 11:00 ՀՀ Արարատի մարզի Արտաշատ համայնքի համայնքապետարանի շենքում տեղի ունեցավ ՀՀ Արարատի մարզի Արտաշատի ավագակոպճային խառնուրդի հանքավայրի 1-ին տեղամասի օգտակար հանածոյի արդյունահանման աշխատանքների վերաբերյալ հանրային քննարկումը(1-ին հանրային քննարկում):

Մասնակցում էին՝ Արտաշատի համայնքապետարանի աշխատակազմի գյուղատնտեսության և բնապահպանության բաժնի գլխավոր մասնագետ Խաչիկ Պողոսյանը, «ՄԼ Մայնինգ» ՍՊԸ-ի գլխ. տնօրեն Էդուարդ Մարգարյանը, համայնքապետարանի աշխատակազմի աշխատակիցներ, համայնքի բնակիչներ: Հանրային քննարկումը վարեց Խ.Պողոսյանը:

Նա հանդես եկավ բացման խոսքով.

Խաչիկ Պողոսյան

- Հարգելի ներկաներ, Արտաշատ համայնքի վարչական սահմաններում «ՄԼ Մայնինգ» ՍՊ ընկերությունը ցանկանում է իրականացնել հանքարդյունահանման աշխատանքներ ՀՀ Արարատի մարզի Արտաշատի ավագակոպճային խառնուրդի հանքավայրի 1-ին տեղամասում: Օրենսդրությամբ սահմանված կարգով իրականացվել է հանրության պատշաճ իրազեկում: Հայտնում եմ, որ այս քննարկումն իրականացվում է արդեն իսկ փոփոխված օրենսդրությամբ, ըստ որի կայանալու է երկու հանրային քննարկում: Խոսքը փոխանցում եմ «ՄԼ Մայնինգ» ՍՊԸ-ի գլխ. տնօրեն Է. Մարգարյանին, ով առավել մանրամասն կներկայացնի առաջարկվող ծրագիրը:

Էդուարդ Մարգարյան.

- Ողջունում եմ ներկաներին, հանրային քննարկումը վերաբերում է ՀՀ Արարատի մարզի Արտաշատի ավագակոպճային խառնուրդի հանքավայրի 1-ին տեղամասի օգտակար հանածոյի արդյունահանման աշխատանքներին: Նշված տարածքի

ուսումնասիրության աշխատանքների վերաբերյալ իրականացվել են հանրային քննարկումներ: Քննարկվող տարածքը մոտ 106 հա է, սակայն օրենսդրությամբ սահմանված կարգով հաստատված պաշարներն ընդգրկող մակերեսը մոտ 73 հա է: Ծրագրի իրականացման արդյունքում կիրականացվեն հավելյալ ներդրումներ, կստեղծվեն 10-15 աշխատատեղեր:

Խաչիկ Պողոսյան.

- Հայտնի է, որ իրականացվում է հայ-թուրքական սահմանի և Արաքս գետի հունի ճշգրտման աշխատանքներ: Քանի որ քննարկվող տարածքը մոտ է Արաքս գետի ափամերձ հատվածին, հնարավոր է արդյոք շտկման ժամանակ Արաքս գետի հունը մոտենա քննարկվող տարածքին:

Էդուարդ Մարգարյան.

- Ոչ, այդպիսի սպառնալիք առկա չէ, քննարկվող տարածքը Արաքս գետից հեռու է տարբեր հատվածներում մոտավորապես 65-150 մ, ինչպես նաև ուսումնասիրության փուլում համապատասխան մարմինների կողմից ծրագրին տրվել են դրական եզրակացություններ:

Խաչիկ Պողոսյան.

- Խնդրում եմ ներկայացրեք հաստատված պաշարների քանակը և տարեկան արդյունահանման նախատեսվող ծավալները:

Էդուարդ Մարգարյան.

- Արդյունահանումը նախատեսվում է իրականացնել 20 տարվա ընթացքում՝ տարեկան մոտավորապես 100 000 խմ ծավալով:

Խաչիկ Պողոսյան.

- Ինչպիսի բնապահպանական միջոցառումներ եք նախատեսում իրականացնել՝ շրջակա միջավայրի վրա ազդեցություն ունեցող ռիսկերը նվազեցնելու ուղղությամբ:

Էդուարդ Մարգարյան.

- Օրենսդրությամբ սահմանված բոլոր միջոցառումները նախատեսված են, որոնք կներկայացվեն ծրագրում 2-րդ հանրային քննարկման ժամանակ: Նշեմ, որ կազմակերպությունն օգտագործելու նոր տեխնիկաներ, որոնք մթնոլորտի աղտոտվածություն գրեթե չեն առաջացնում:

Խաչիկ Պողոսյան.



- Տեղեկացնում ենք, որ մեքենաների գերբեռվածությունից խուսափելու համար, որի հետևանքով վնասվում են ճանապարհները, անհրաժեշտ է, որ հանքվայրից դուրս եկող մեքենաները կշռվեն, ինչպես նաև ասֆալտբետոնյա ծածկույթով ճանապարհ դուրս գալուց առաջ լվացվեն, որպեսզի չաղտոտվեն ճանապարհները:

#### Էդուարդ Մարգարյան.

- Ավտոմեքենաների կշռումը արդեն իսկ կարգավորված է օրենսդրությամբ, և դրանց գերբեռվածությունը բացառված է, իսկ լվացման համար տեղեկացնում են, որ միջպետական ճանապարհին հարակից տարածքում՝ Շահումյանի արտադրահրապարակում, որը տիրապետում է մեր կազմակերպությունը, առկա է համապատասխան ջրօգտագործման թույլտվությամբ խորքային հոր, որից վերցված ջրով պարտադիր լվացվում են մեր մեքենաները:

#### Խաչիկ Պողոսյան.

- Առաջարկում ենք ներկայացվող ծրագրում ներառել համայնքին սոցիալ-տնտեսական պարտավորությունների շրջանակներում համայնքին ճանապարհների բարեկարգման համար նախատեսված տեխնիկայի տրամադրում, ինչպես նաև նախատեսվող համապատասխան օրենսդրական փոփոխությունների շրջանակներում բնապահպանական վճարի՝ առնվազն 10%-ի մասհանում համայնքին:

#### Էդուարդ Մարգարյան.

- «ՄԼ Մայնինգ» ՍՊ ընկերությունը միշտ պատրաստ է օրենսդրությամբ սահմանված և իր պարտավորությունների շրջանակներում, ինչպես նաև կամավորության սկզբունքով, աջակցելու համայնքին և գտնվել համայնքի կողքին:

#### Խաչիկ Պողոսյան.

- Պաշարները վերականգնվող են, թե՛ ոչ:

#### Էդուարդ Մարգարյան.

- Պաշարները վերականգնվող են:

#### Խաչիկ Պողոսյան.

- Շնորհակալություն: Եթե, այլ հարցեր և առարկություններ չկան, ապա այսօրվա հանրային քննարկում համարենք կայացած և փաստենք, որ քննարկման մասնակիցները տալիս են իրենց դրական գնահատականը ներկայացվող ծրագրին: Յուրաքանչյուր տնտեսական նախաձեռնություն ողջունելի է, ինչը համապատասխանում է օրենսդրությանը և նվազագույն վնասներ է հասցնում՝

մասնավորապես շրջակա միջավայրին: Սպասենք 2-րդ հանրային քննարկմանը, որին ներկա են լինելու «Շրջակա միջավայրի վրա ազդեցության փորձաքննական կենտրոն» ՊՈԱԿ-ի մասնագետները, ովքեր առավել մանրամասն կներկայացնեն նախատեսվող ծրագրի՝ շրջակա միջավայրի վրա ազդեցության վերաբերյալ տեղեկատվությունը: Շնորհակալություն բոլոր ներկաներին: Տեսություն:

Հանրային քննարկման վարող՝

Արտաշատի համայնքապետարանի աշխատակազմի

գյուղատնտեսության և բնակավայրի կառավարման բաժնի

գլխավոր մասնագետ՝



Իսաչիկ Պողոսյան

Նախաձեռնող՝

«ՄԼ Մայնինգ» ՍՊԸ-ի գլխ. տնօրեն



Էդուարդ Մարգարյան